

國家圖書館藏

清代孤本方志選

綫裝書局

孤本

國家圖書館分館編

清代孤本方志選

(第一輯第十六冊) 江西 鄱陽縣志「康熙」十六卷(一)



鄱陽縣志舊序一

聖天子撫一統之盛建萬年之基有通志一書  
所以辨地險別民情審土宜也下而繩若邑皆  
得各修圖志以備參據其間紀政治載貢賦其  
道通于書列風俗別貞淫其道通于詩明消息  
盈虛辨天人治亂其道通于易善者表之惡者  
戒之君子知式小人知守其道又通于春秋與  
禮若是志之所係顧不重哉余守饒州初至其  
境攷其地稱饒裕古因以饒名郡其山接匡廬

之勝焉水滙嶽衝之流焉人則洪馬彭江忠孝  
節義之鄉名宦則有顏范之遺芳焉願僅傳聞  
大槩耳及詢志載而攷其詳則蕩平以來俱已  
燼盡所修復者僅樂平一邑得中堂范公重刻  
爾余方有志修復郡乘而各屬原本散無所存  
咨之各令君而鄱陽盧君則毅然有刻縣志之  
請矣未幾令君以補任數月卽有民部之遷事  
方舉而未竣或者曰報政恒在三年攷陟遠亦  
九載志書數百年事也令君非久而于此不

餘力者何也又曰居其官則思其事今行矣疑  
于此可置乎令君曰不然方今 冲主當陽臣  
工爭濯磨以襄盛治固已金甌悉在版圖矣而  
且遐方異域罔不重譯獻琛披圖納款况茲江  
國襟帶而文獻無徵伊誰之責願敢以遷去而  
有始鮮終乎况工資不費民間督梓願輸已力  
事無旁借其初志也余欣然曰茲役也以明形  
勢則地險辨焉以陳憂忠則民情別焉以審經  
畫則土宜悉焉佐 廟堂之經畫備太史之採

風將於是乎在一舉而數善備焉矣刻成而喜郡乘將有所攷因叙其事如此各屬之未修舉者寧無意乎哉

昔康熙戊申嘉平之吉中憲大夫知饒州府事曲安王澤洪書

鄱陽縣志舊序二

輿地之有志由來久矣其大者夏書之禹貢周禮之職方載在六經班班可考其後秦分天下爲三十六郡而風土之紀未嘗概見漢興版章

更加開拓計天下之郡國百有三分爲十三州  
設刺史以統之於是蘭臺令孟堅班氏作地理  
志其中鈎連繩貫五方之風氣九州之民物靡  
不包舉不下堂而萬里如在目前矣自是厥後  
代有修明踵事增華更加詳核凡天下之爲省  
爲郡爲縣靡不各有成書存諸宮府蓋志書之  
作也非以誇見聞矜博覽也其間山川之阨塞  
水土之肥磽習俗之淳漓民生之豐瘁苦樂奢  
儉真湫以及賦役多寡守禦要害無不委曲詳

盡凡蒞是邦者其所以補偏救弊興利除害按  
册而稽之孰者宜因孰者宜革孰者宜修復孰  
者宜振飭一展卷而瞭如指掌焉其係於國計  
民生也豈淺鮮哉長吏奉 天子之命剖符一  
方大者數百里次亦不下百里數十里百萬戶  
之命縣於一人使非周知四境之民風士俗則  
政令何以節宣利弊何以興革故郡邑之有志  
誠留心國計民生者所不敢忽也鄱陽古稱巖  
邑也天下之巨浸有五而鄱陽居其二其所以

鍾水豐物殖貨阜財通九州之貨賄接行旅之  
往來名勝甲於江右舊志載之詳矣奈何自萬  
曆以來舊志湮沒又以游經兵火迄七十餘年  
無復有起而修明之者遂使古今名勝之迹欲  
憑吊而無從亦足悲矣邑宰武林盧君來蒞茲  
土其爲政也矢公矢慎越高密駕桐鄉皎然如  
玉壺之冰煦然若冬日之日不浹月聞鄱陽之  
民業已望若神明矣一旦念舊志之淪亡慨然  
憂之因以修復爲己任購求遺書遂從殘編中

獲什一于千百而復佐以故老之流傳他書之  
互見編綴成書吾因之有感焉夫此六七十年  
來其爲邑宰不知凡幾而縣志之有無未遑過  
而問焉盧君蒞鄱不數月遂使數十年廢典頓  
還舊觀今方膺新寵領度支行將佐大司農籌  
國用之盈虛定賦式之平準其施漸及天下矣  
猶復惓惓以鄱陽之志爲急吾知其聲望在朝  
右而遺愛猶在鄱陽也余不敏佐理芝城案牘  
之餘間及紀載見鄱陽志書缺失深懷文獻之

思而王事鞅掌未暇越俎而代庖也今有盧君余亦藉手以釋予懷矣書既成請予一言引其端因序其廢興之始末如此

昔康熙捌年春正月穀旦奉政大夫江西饒州府同知前浙江湖州府知府雲中劉愈奇頓首拜撰

鄱陽縣志舊序三

自周禮職方氏辨司疆域而漢郡國計書載風土人事唐宋因之合編備一代之史分載爲各

邑之誌蓋以備考核維風俗也然國史則勸懲  
具備邑誌惟錄其優潛瑜必著隱德必揚將使  
後人感慕興起日進于善也番爲江省名邑舊  
有縣志數十年來兵燹散佚值賢令仁和盧君  
甫下車引爲已任延致耆莫遜稽博訪詳考而  
補訂之捐資壽梓諸如星紀山川風俗人文以  
及節義忠孝靡不倫要悉舉次第炳鱗誠足永  
金石垂不朽矣書成請序於各憲臺與諸  
鄉老先生而併及于余余愧不文又才拙督糧

不遑曷敢續貂夫是以惴惴焉欲序而不敢然  
嘉靈君之志有成欲其廣斯志以加惠宇內則  
不敢序而又不得不序余維山川疆里賦役風  
俗雖今昔或殊然山水自古賦役已勒全書至  
若名卿碩輔功業又炳耀國史卽誌有未修不  
至淪沒獨是明末距今數十年間其中士礪行  
於牖戶女盡節於蓬窻微員矢忠匹夫尙義旣  
不能上之太史又不獲及時入載邑乘世从年  
湮必將幽貞隱德淪滅於荒煙斷草矣此仁人

之所不忍而維持風化者之所必先也盧君之  
急修輯而速竣事志在斯乎前徽旣顯後美必  
興將見鄙之節義忠孝人文風俗倍盛於昔雖  
芝山蠡水靈秀所鍾不可謂盧君之修輯無以  
勸之也與人爲善不綦與國史並垂不朽哉因  
不慚固陋謬附言於各憲臺與諸鄉老先生  
之後承德郎饒州府通判趙櫪

鄱陽縣志舊序四

一代之興方策輝煌下至郡國文獻之昭垂蓋

莫不有書焉以志其不朽番有志其來舊矣至  
明景泰間章常山先生續稿稱爲明備嘉靖間  
胡司寇踵修之爲重鐫已逾八十年萬曆己酉  
劉司空復修之爲易梓今所徵者己酉易梓也  
復乘六十年矣恭逢 皇清定鼎統制畫一車  
書咸同諸如疆理形勝兵農庸調漕河律曆以  
暨制科學校若蠲租若清問若星野災祥之必  
書若忠孝幽芳之咸秩洋洋乎與夫是六十年  
中水土播烝文光吐新代有循良治臻旣庶皆

不可不急爲釐正以俟將來者也先是丙申歲  
太守翟公方有事郡志之舉馳牒蕪邸屬余較  
讐焉未幾公以遷屯田使尋擢觀察秦中去已  
而楚咸鄭君復以邑志請又未幾而鄭君復以  
量移滁州去弗遑副墨豈志之待夫人也抑亦  
有其時乎誠慎之也茲盧侯甫下車卽以修輯  
鑿典是謀爰捐已資集邑中名彥酌古核今用  
是各矢公慎分猷諱訂而余復以歸省之暇創  
得樂觀厥成因憶予曩者分藜中秘折衷良史

不啻詳焉而惟是職方紀載之體其異詞者三  
夏五郭公傳疑承誤車書炳郁路馬蹴芻則文  
與字之傳聞宜辨也寧爲魚亥毋爲具敖也七  
談八州識其大者瑞芝丹井劔氣鬱宣則事與  
人之所聳宜覈也寧爲固密毋爲遷疎也甲子  
周星其在茲虜承筐之歲絳人可問尙猷洛社  
則罔所愆唯是吾番之博雅諸君子搯觚以從  
也夫何辭之與有則名與寔之所重者詳以核  
也寧爲魯衮毋爲齊諧也滄溟有言善是之具